

تبریزین مینیاتور پارکیندا اثرلرین تخریبی

تبریز کلانشهری‌نین مینیاتور پارکی بو ایلین فجر دهه‌سینده افتتاح اولمالی ایدی اما بیر سئری مشکل‌لره گؤره بو مسأله گلن ایلین اوّل‌لرینه ساخلاندی.

اوج ایل بوندان اوّل تبریز شهرداریسی، اولکه‌نین بیرینجی مینیاتور پارک طرحینی تبریز شهرینده اجرا ائله‌ماغا باشلادی. بو پروژه‌نین بیرینجی مرحله‌سی اوج آی تحقیق و آلتی آی گؤزله‌ماقدان سونرا، نهایتده 90-جی ایلین تیرینده، شهرداری بناسی، مقبرة الشعراء، ائل گؤلی، خلعت پوشان بناسی و علیشاه ارکی کیمی 5 تاریخی اثرین ایشه باشلادی. اما بو پارکین فقط 5 اثرینن آچیلماسی چوخلی انتقادلارینان اوز به اوز اولدو. تبریزین مینیاتور پارکی‌نین 2 ایل افتتاحیندان سونرا، بو ایلین شهر یورینده ایکی یانقین بروجی و مقدّس مریم کلیساسی اثرلری‌ده اونون مجموعه‌سینه اضافه‌لندی. بو دفعه‌ده اوستاد شهریار بلواریندا یئرلشن بو پارکدان دوزگون موغایات اولما‌ماغا گؤره شهرداری‌یه انتقادلار باشلادی. تبریز شهرداریسی‌نین مسئوللاری اخیر آی‌لاردا بو پروژه‌نین بو ایلین فجر دهه‌سینده نّچه آیری اثرینن تکمیل‌لشمه‌سیندن خبر وئرمیشدیلر اما بیر سئری مسأله‌لره گؤره بو ایش باش توتما‌دی. تبریز شهرداریسی‌نین گؤزل‌لشدیرمه سازمانی‌نین مدیر عاملی بو باره‌ده دئدی: متأسفانه بو اثرلری دوزلدن تیم اونلاری وقتینده دوزلده بیلمه‌دیلر کی اومیدیمیز وار بو ایلین آخیرینه‌جن قورتولسون. هابئله پارکین پیمانکاری قراردی بو ایلین آخیرینده پارکی تحویل وئرسین. او آرتیردی: ایندیلیقدا بو پارکدا بئددی اثر وار کی قراردی بو ایلین آخیرینه‌جن گؤی مسجد و استانداری قصری کیمی بئش‌آیری اثر ده نصب اولسون. هابئله او بیر 18 اثر ده گلن ایل نصب اولاجاق. تهرانین مینیاتور پارکی تبریزدن ایکی ایل سونرا 92-جی ایلده ایشه باشلاییب 12 اثرینن یونسکو فهرستینده ثبت اولدو. بو اثرلر واقعی سایزین ایرمی بئشدن بیر 1/2 اندازه‌سینده‌دیلر کی تبریز بازاری‌دا اونلارین ایچینه وار.